

AVISU

“PASCHIXEDDA IN QUARTU 2022” IN SU TEATRU TENDA MÙSICA E SPETÀCULU ÒNNIA DII

Sighint po totu sa cida is eventus de sa rassinnia ‘Paschixedda in Quartu 2022’, organizada de s’ Amministratzioni e paris cun su coordinamentu de s’ Assòtziu Entis Localis po is Atividadis Culturalis e de Spetàculu.

Mèrcuris 21 e giòbia 22 est in programma una manifestatzioni cun artistas quartesus: su **Young Music Festival**.

Cenàbura 23 nc' at a essi su cuntzertu de **Francesca Corrias**, connota meda comenti artista de jazz a livellu natzionali.

De su 24 de su mesi de idas e finas a sa noti de annu nou, in su Teatru Tenda funt protagonistas is artistas de su **Circo Paniko**, su culletivu internatzionali de circensis, musicistas e pensadoris lìberus chi portat su spetàculu suu in totu Europa.